

abonnement pour un an

350 Piastres

Edition spéciale. 500 ptrs.

Adresse :

« Idjtihad » Constantinople

Téléph. St. 865

XXIII^{ème} ANNÉE

1 Mai 1928 No. 251

اجتهاد

علمی، ادبی، اقتصادی، صناعی، صحی مجموعہ

آبونمان : سنہ لکھی [24 نسخہ]

تور کیا ایچون 2 بچق، خارج ایچون
3 بچق، اعلا کاغذ لیسی 5 لیرادر.

ادارہ خانہ سی :

جفال اوغلندہ « اجتهاد نھوی »

تلفون : استانبول ۸۶۵

یکرمی اوچنچی سنہ

نومرو ۲۵۱ - ۱ مایس ۱۹۲۸

تجاری و اقتصادی بر درس

L' Exportateur Français مجموعه سی 15 مارت
1928 تاریخلی نسخه سنده :

بر قرال ، آلمانیا نك سيار تجارت مأموری

عنوانيله بر مقاله جك نشر ایدیور ، فقط نه قادر
درس ویریحی ! او قویالم :

« افغانستان قرالی فرانسه یه کلدی ، فرانسه نك رسمی
مرکز حکومتی زیارت ایتدی ؛ دها دوغروسو بوپایتخت
زیارت ایتدیریلدی . کنديسنه عسکرلر کوسته وریلدی ،
اوپه را کوسته وریلدی : شرفنه محتشم ضیافتلر ویریلدی .
افغان قرالی بزى ترك ایتدیکدن سوکره آلمانیا یه
کیتدی ؛ اوراده ده ، بوراده اولدینی کیی کنديسنه عسکرلر
کوسته وریلدی ؛ موسیقیلرله قولاغی او یوشدورولدی ،
محتشم ضیافتلر ویریلدی .

فقط آلمانیا ده ایش بوندم عبارت قالمادی :

آلمانیا حکومتی ، افغان قرالک ، آلمانیا دن بر قاچ
کوچوک خاطره ، بر قاچ یادکار کوتورمکسز مملکتنه
عودت ایتمه - نى آرزو ایتمه دی . بناءً علیه قرالک یول
ایشیاسی آره سنه طیاره لر ، اوطوموبیللر ، بر قاچ دوزینه
ظریف آیاق قابی ، یوزلرجه جیغاره قوطوسیده علاوه
ایتدیلر . بوسورتله افغان قرالی بتون بو آلمان اعمالاتی
نمونه لرینی کوتورمکده در . افغان طور براغنده ایلك آقوب
کیده جك اوتوموبیللر آلمان اوتوموبیللری اولاجاق ؛
افغان سماسنده ایلك اولاجاق طیاره لر آلمان طیاره لر
اولاجاق . افغان قرالی سرای قرالینک کوزل خالیرینی
چیکنه یه جك اولان ظریف آیاق قابلری آلمان معمولاتی
اولاجاق . مابینی ارکانه قرالک توزیع ایده جکی کوزل
جغاره قوطولری Mad in Germany یعنی آلمانیا ده
اعمال ایدیش در « آلمان معمولاتی » عباره سفی حاوی
اولاجاق .

مملکتی عصر یلشدرمک ایسته ین بر آسیا حکمدارینی ،

کوله صباح

صولر طاتلی بر صدف رنگيله یاغش کبی ..
سو کودلر او یوسندن یکی او یاغش کبی
قوللرینی آچارق صباحی سلاملا یور ..



کلرک یوکسه لیور نارین باشلری یردن
افقلری چپ چوره طوتوشدوران سحر دن
کوله قیزیل ، قیپ قیزیل قارانیلر داملا یور ..

یاشار نای

آلمان قواف ایشلری ایچون « قومی وویازور Commis
voyageur » اولارق قوللانماق حقیقه بر استادانه
مهارت در .

فرانسه بویه مهارتلر ابراز ایتز او چوق بیوک
خانمدر ! دوغرو دکلې ؟ شونی اونوتور ، که بیوک خانم
دخی هر کس کبی ، یا شاماق ایچون پاره یه محتاجدر .

ارکان صنایی کیی (فرانسه) دخی آکلامادی ، که
کنديسنه پاره جلب ایتک ایچون اعلانات یا پمالیدر .
آلمانیا بوندن غافل دکل ؛ بوسبيله افغان حکمدارینی ،
آلمان امتعه سنک مشتری بولیجیسی یادی : افغان قرالک
کوتوردیکی نمونه لر بر تخمدر . بوتخمک ویردیکی میوه لری
آلمانیا طوپلایاجاق .

خایر ، (فرانسه) ، مالنی صاتمایی بیلمیور .

یری مشعل - یدی کنج شاعر مزك منتخب شعر -
لرینی محتوی اولاراق چیقدی تدقیق کله جك نسخه مزده .
اوهامی - صالح ذکی بک برادر مزك حکایه لریدر .
تحلیلی کله جك نسخه لر مزك برنده .

لارواه - صدق بکک مجموعه اشعاری تحلیلی کله جك
نسخه مزك تنقید صحیفه سنده .

هیات و هیاه - نژاد توفیق بکک کله جك نسخه یه قالدی .